


大乘法界無差別論
外道小乘四宗論
外道小乘涅槃論

二百五十七
臨八

49341



三經同卷八

大乘法界無差別論

提婆菩薩破楞伽經中外道小乘四宗論

提婆菩薩釋楞伽經中外道小乘涅槃論

大乘法界無差別論

堅慧菩薩造

唐三藏法師提雲般若等奉制譯

瞽首菩提心

能為勝方便

得離生老死

病苦依過失

菩提心略說有十二種義是此論體諸聰慧

者應如次知所謂果故因故自性故異名故

無差別故分位故無染故常恒故相應故不

作義利故作義利故一性故此中最初顯亦



臨

善提心果令見勝利。次則說彼所起之因。然
後安立此出生相及顯異名。而無差別於一
切位。無有染著。常與淨法而共相應。不淨位
中無諸功用。於清淨位能作利益。一性涅槃
應知如是十二種義。今此論中次第開闡。何
者。名為善提心果。謂最寂靜涅槃界。此唯諸
佛所證。非餘能得。所以者何。唯佛如來能永
滅盡一切微細煩惱熱。故於中無生永不復
生意。生諸蘊。故無老。此功德增上殊勝圓滿
究竟無衰變。故無死。永捨離不思議變易死
故無病。一切煩惱所知障病及與習氣皆永
斷。故無苦。依無始時來無明住地所有習氣。

皆永除故無過失一切身語意誤犯不行故
此則由菩提心為最上方便不退失因一切
功德至究竟而得彼果彼果者即涅槃界何
者為涅槃界謂諸佛所有轉依相不思議法
身以菩提心是不思議果因如白月初分故
今頂禮復次頌曰

能益世善法

聖法及諸佛

所依寶處因

如地海種子

復次菩提心如地一切世間善苗生長所依
故如海一切聖法珍寶積聚處所故如種子
一切佛樹出生相續之因故如是已說菩提
心果云何此因頌曰

信為其種子。般若為其母。三昧為胎藏。大悲乳養人。

復次云何此因積集應知如轉輪王子其中於法深信為菩提心種子智慧通達為母三昧為胎藏由定樂住一切善法得安立故大悲為乳母以哀愍衆生於生死中無有厭倦一切種智得圓滿故云何自性頌曰。

自性無染著

如大寶空水

白法所成就

猶如大山王

復次應知此菩提心因積集已有二種相謂離染清淨相白法所成相離染清淨相者謂即此心自性不染又出客塵煩惱障得清淨。

譬如大摩尼寶虛空水等為灰垢雲土所覆
翳時雖其自性無所染著然由遠離灰等故
令火等得清淨如是一切衆生自性無差別
心雖貪等煩惱所不能染然由遠離貪等故
其心得清淨白法所成相者謂如是自性清
淨心為一切白法所依即一切白淨法而
成其性如說須彌山衆寶所依即以衆寶而
合成故云何異名頌曰

至於成佛位

不名菩提心

名為阿羅訶

淨我樂常度

此心性明潔

與法界同體

如來依此心

說不思議法

復次此菩提心永離一切客塵過惡不離

切功德成就得四種最上波羅蜜名如來法
身如說世尊如來法身即是常波羅蜜樂波
羅蜜我波羅蜜淨波羅蜜如來法身即是客
塵煩惱所染自性清淨心差別名字又如說
舍利弗此清淨法性即是法界我依此自性
清淨心說不思議法云何無差別頌曰

法身衆生中

本無差別相

無作無初盡

亦無有染濁

性空智所知

無相聖所行

一切法依止

斷常皆悉離

復次此菩提心在於一切衆生身中有十種
無差別相所謂無作以無爲故無初以無起
故無盡以無滅故無染濁以自性清淨故性

空智所知以一切法無我一味相故無形相
以無諸根故聖所行以是佛大聖境界故一
切法所依以染淨諸法所依止故非常以是
雜染非常法性故非斷以是清淨非斷法性
故云何分位頌曰

不淨衆生界

染中淨菩薩

最極清淨者

是說爲如來

復次此菩提心無差別相故不淨位中名衆
生界於染淨位名爲菩薩最清淨位說名如
來如說舍利弗即此法身爲本際無邊煩惱
藏所纏從無始來生死趣中生滅流轉說名
衆生界復次舍利弗即此法身馱離生死漂

流之苦捨於一切諸欲境界於十波羅蜜及
八萬四千法門中爲求菩提而修諸行說名
菩薩復次舍利弗即此法身解脫一切煩惱
藏遠離一切苦永除一切煩惱隨煩惱垢清
淨極清淨最極清淨住於法性至一切衆生
所觀察地盡一切所知之地昇無二丈夫處
得無障礙無所著一切法自在力說名如來
應正等覺是故舍利弗衆生界不異法身法
身不異衆生界衆生界即是法身法身即是
衆生界此但名異非義有別云何無染頌曰
譬如明淨日 爲雲之所翳 煩惱雲若除
法身日明顯

此復云何於不淨位中現有無量諸煩惱而不為染譬如日輪為雲所覆而性常清淨此心亦尔彼雜煩惱但為客故云何常恒頌曰譬如劫盡火不能燒虚空如是老病死不能燒法界如一切世間依虚空起盡諸根亦如是依無為生滅

復次云何於此現有生老死而言是常譬如虚空雖劫灾火起不能為害法界亦尔是故經言世尊生死者但隨俗說有世尊死者諸根隱没生者諸根新起非如來藏有生老死若没若起世尊如來藏過有為相寂靜常住不變不斷故云何相應頌曰

如光明熱色。與燈無異相。如是諸佛於法性亦然。煩惱性相離。空彼客煩惱。淨法常相應。不空無垢法。復次云何未成正覺而言於此佛法相應譬如光明熱色等與燈無有異相諸佛法於法身亦如是如說舍利弗諸佛法身有功德法譬如燈有光明熱色不離不脫塵。左寶珠光色形狀亦復如是舍利弗如來所說諸佛法身智功德法不離不脫者所謂過恒河沙如來法也復次如說有二種如來藏空智何等為二所謂空如來藏一切煩惱若離若脫智不空如來藏過恒河沙不思議諸佛法不離

不脫智云何不作義利頌曰

煩惱蔽纏覆 不能益衆生

如蓮華未開

如金在糞中 亦如月盛滿

阿脩羅所蝕

復次衆生法身既與如是功德相應何故無

有如來德用應知此如蓮未開諸惡見葉共

包裹故如金墮廁在於覺觀糞穢中故如滿

月被蝕我慢羅睺所執取故如池水被濁貪

欲塵土所混雜故如金山被翳瞋恚泥垢所

封著故如虛空被覆愚癡重雲之所蔽故如

日未出在無明習氣地中故如世界未成在

六處水大藏中故如雲無雨相違緣現前故

摠爲頌曰

如蓮金等未開顯

佛體客塵翳亦然

是時功德不自益

反此則能為大利

云何作義利頌曰

如池無垢濁

如蓮大開敷

亦如上好金

洗除眾糞穢

如虛空清淨

明月星圍繞

離欲解脫時

功德亦如是

譬如日明現

威光徧世間

如地生眾穀

如海出眾寶

如是益眾生

令從諸有脫

了知諸有性

而起於大悲

若盡若不盡

斯皆無所著

佛心如大雲

住於實際空

三昧揔持法

甘雨隨時降

一切諸善苗

因此而生長

此偈中義與前相反應知則是清淨法身遠

離客塵衆患故成就自性功德故證斯法者
則名如來應正等覺於常住寂靜清涼不思
議涅槃界恒受安樂為一切衆生之所歸仰
云何一性頌曰

此即是法身

亦即是如來

如是亦即是

聖諦第一義

涅槃不異佛

猶如冷即水

功德不相離

故無異涅槃

若如來法身異涅槃者經中不應作如是說
如彼頌言

衆生界清淨

應知即法身

法身即涅槃

涅槃即如來

復次如有經言世尊即此阿耨多羅三藐三

菩提名涅槃界即此涅槃界名如來法身世
尊無異如來無異法身言如來者即法身也
復次應知此亦不異苦滅諦是故經言非以
苦壞名苦滅諦言苦滅者以從本已來無作
無起無生無滅無盡離盡常恒不變無有斷
絕自性清淨遠離一切煩惱蔽具足過恒河
沙不離不脫智不思議諸佛法是故說名如
來法身世尊即此如來法身未離煩惱蔽說
名如來蔽世尊如來蔽智是如來空智世尊
如來蔽者一切聲聞獨覺本所不見本所不
證唯佛世尊永壞一切煩惱蔽具修一切苦
滅道之所證得是故當知佛與涅槃無有差

別譬如冷觸不異於水復次應知唯有二乘
道若不介者異此應有餘涅槃故同一法界
豈有下劣涅槃勝妙涅槃耶亦不可言由下
中上勝劣諸因而得一果以現見因差別
亦差別故是故經言世尊實無勝劣差別法
證得涅槃世尊平等諸法證於涅槃世尊平
等智平等解脫平等解脫知見證得涅槃是
故世尊涅槃界者名爲一味所謂平等味解
脫味也

大乘法界無差別論

提婆菩薩破楞伽經中外道小乘四宗論

元魏三藏法師

菩提留支譯

問曰外道所立四宗法非佛法者何者是

答曰謂一異俱不俱

問曰云何言一異俱不俱

答曰有諸外道言一切法一有諸外道言一

切法異有諸外道言一切法俱有諸外道言

一切法不俱是諸外道於虛妄法中各各執

著以爲實有物故 問曰何等外道說一切

法一答曰言一切法一者外道僧佉論師說

言一切法異者外道毗世師論師說言一切

法俱者外道左提子論師說言一切法不俱

者外道若提子論師說 問曰云何僧佉人
說一切法一 答曰僧佉外道言我覺二法
是一何以故二相差別不可得故

問曰云何二相差別不可得 答曰如牛馬
異法二相差別可見可取言此是牛此是馬
而我離覺我不可得離我覺不可得如我經
中說我覺體相如火與熱二法差別不可得
問曰云何差別不可得 答曰彼法不可說異
故譬如白蠱不可說言此是白此是蠱二法
差別如白蠱一切法因果亦如是

問曰云何毗世師外道說一切法異
答曰所言異者我與覺異何以故以說異法

問曰云何名說異法 答曰如說此是白此是麤此是天德此是天德麤我與覺異亦如是此是我此是智故

問曰有何差別彼法不可說一 答曰譬如白麤此是白此是麤如是一切因果各異不可說一故 問曰云何左軋子說一切法真

答曰言一切法俱者如我與覺不可說一亦可說異復有異義可說一可說異故

問曰云何不一不異亦一亦異 答曰如我

與命用相有異方便異故言如貪瞋癡等得言有異譬如燈明得說言一得說言異以有此有彼無此無彼得言一燈異處明異處故

得言異如燈明因果白氎一切法亦如是亦
得說一亦得說異故言俱也 問曰云何若
提子外道說一切法不俱 答曰不俱者謂
一切法不可說一不可說異以二邊見過故
以說一異俱論師等皆有過失故智者不立
如是三法 問曰云何過失 答曰若離白
別無氎者白滅氎亦應滅若異白更有氎者
應有氎非白有白非氎是故一異俱等法我
俱不立雖然一異俱等一切法不可得言無
答此諸外道虛妄分別是邪見相非是智相
皆是不善此義云何又一等法虛妄分別以
不得言即彼法彼法一不得言瓶瓶一以瓶

即是瓶故亦不得言異法異法一以不得言
瓶共氎一以瓶相異氎相異以異法離異法
異法不得一不得異以異法不成異法以異
法不得言異法若二法說一說異彼二法應
說一應說異若不說一不說異者此是虛妄
分別若彼二法是一者不得言彼法是異若
無二者云何言一以彼法相待成故依世諦
虛妄分別第一義諦中無彼外道虛妄分別
戲論過故此是揔答四種外道邪見之相
自此已下別答四義如是一一觀察迦毗羅
優樓佉等外道虛妄分別義不成就此義云
何言一切法一者此義不然以滅應滅不滅

不應滅俱滅俱不滅此義云何汝向說我與
覺相差別不可得如白氎我破此義何以故
以此義不與諸經論相應故汝說諸法差別
不可得者此義不然如手抓彼法二相差別
不可得故此明何義如抓拍掌名之爲手若
異此法手不可得如是白氎一不可得何以
故無異法故我覺一不可得如是白氎一不
可得如手與拍掌若此滅者彼亦應滅此義
云何若白滅者氎應滅故如截手即截拍掌
汝意若謂白滅氎不滅者此義不然若氎不
滅白亦不應滅如截於手指掌應在如截拍
掌手亦應在故汝意若謂青黃赤等唯滅白

色不滅氎者云何言一若不尔者青黃赤等
色不應滅不尔氎不滅者青黃白等色亦不
應滅

問曰我青黃赤等覆白色而不滅白此義云
何 荅曰氎亦如是覆氎而不滅氎又此義
不然洗氎已還見白色故氎亦如是覆氎不
滅氎是故白即是氎氎即是白若氎滅者青
黃赤白等色云何見若汝意謂白滅覆非滅
氎應滅覆氎不應滅白若尔有法滅覆有法
不滅不覆云何言一是故一義不成已荅外
道僧佉論師一切法一竟
問曰迦那陀外道論師言一切法異者我與

覺異以說異法故此是我此是覺如白氎此
是白此是氎故荅曰此義不然以無譬喻故
如人說言此是手此是指掌彼人雖說此語
不能說異法是故不得言我覺異如白氎以
見世間有二種差別故一者相二者處相差
別者色香味觸不異相有異相故處差別者
如穀豈等有白氎不異相有差別如彼色香
味觸若不尔者有四種過此義云何白滅氎
亦滅如彼色香味觸譬如火和合燒瓶成赤
色已又為青色香味亦尔若不尔者色香味
觸亦不應滅如彼白氎異不可得若白滅者
氎亦應滅氎不滅者白亦不應滅。

問曰此義不然依彼法有此法譬如畫壁依
壁有畫壁滅畫亦滅畫不滅譬白滅氎
不滅義亦如是 答曰汝此譬喻事不相似
壁是先有畫是後作而彼白氎起無前後不
可得言此白先有氎是後作已 答外道衛世
師論師一切法異義竟

問曰尼捷子外道論師言一切法俱迦毗羅
等論師皆有過失以說一異故是故我說俱
而不俱譬如燈明有此有彼有彼有此無此
無彼無彼無此如有燈有明有明有燈無燈
無明無明無燈異者能照所照以燈異處明
異處是故說異如我覺白氎等亦得說一亦

得說異譬如白於氎中別處不可得言此是
白此是氎如世間此是牛此是馬等白氎不
亦是故我不說異亦不說一若一者白滅氎
應滅又若一者亦不應說赤氎黑氎等是故
我言得說一得說異此義云何 荅曰此義
不然如向說僧佉毗世師等過失與此無異
以何等義僧佉一如向說以何等義毗世師
異如向說云何向說如向說言燈明一者燈
即是明明即是燈此唯有別數而無別義若
亦燈亦應明明亦應燈若此二法一者云何
異處如手與指掌無差別脚手有差別手指
掌無差別若一者云何言異是故不得言一

言異此一異義不成已。答外道。尼捷子論師一切法俱竟。

問曰：若提子論師言僧佉等論師說一切法一異俱皆有過失，我若提子不說一切法一異俱如我論中不許此義，唯許不俱是故，我無僧佉等過失。雖然不得說言無不俱此義云何？答曰：此義不然。以無譬喻故，以無譬喻者，我說世諦有如是法第一義諦中無如是相是故。此成我所說義。此明何義以無彼法即無此法，無彼法體亦無此法體。以此法不成彼法，彼法不成此法。以此法畢竟非彼法，彼法亦畢竟非此法。以白非氎，以氎非白。

以滅不應滅以一者即白是麤麤即是白不
尔者滅是滅不滅者不滅若尔云何虛妄分
別彼法是一異俱不俱若尔麤亦應非麤非
不麤白亦應非白非不白以麤即是麤白即
是白是故麤非麤白非白是故非白不得白
如是一異俱不俱皆是虛妄分別唯有言說
無有實義如是我覺因果等義亦如是故已
答外道若提子論師一切法不俱竟

提婆菩薩破楞伽經中外道小乘四宗論

提婆菩薩釋楞伽經中外道小乘涅槃論



元魏三藏法師 菩提留支 譯

問曰何者外道所說涅槃

答曰外道所說涅槃有二十種是外道等虛

妄分別如是等因能生六道如來為遮是等

邪見故說涅槃因果正義何等二十一者小

乘外道論師二者方論師三者風仙論師四

者圍陀論師五者伊賒那論師六者保形外

道論師七者毗世師論師八者苦行論師九

者女人眷屬論師十者行苦行論師十一者

淨眼論師十二者摩陀羅論師十三者左捷

子論師十四者僧佉論師十五者摩醯首羅

論師十六者無因論師十七者時論師十八

者服水論師十九者口力論師二十者本生
安荼論師 問曰何者外道說諸受陰盡如
燈火滅種壞風止名涅槃

荅曰第一小乘外道論師說 問曰何等外
道說方名涅槃 荅曰第二外道方論師說
最初生諸方從諸方生世間人從人生天地
天地滅沒還入彼處名為涅槃是故方論師
說方是常名涅槃因

問曰何等外道說風為涅槃因

荅曰第三外道風仙論師說風能生長命物
能殺命物風造万物能壞万物名風為涅槃
是故風仙論師說風為常是涅槃因

問曰何等外道說梵天是涅槃因。答曰第
四外道圍陀論師說從那羅延天齋中生大
蓮華從蓮華生梵天祖公彼梵天作一切命
無命物從梵天口中生婆羅門兩臂中生利
利兩髀中生毗舍從兩腳根生首陀一切大
地是修福德戒場生一切華草以為供養化
作山野禽獸人中猪羊驢馬等於界場中殺
害供養梵天得生彼處名涅槃是故圍陀論
師說梵天名常是涅槃因。

問曰何等外道說不見分別見常無常是涅
槃。答曰第五外道伊賒那論師眷屬作如
是說伊賒那論師尊者形相不可見遍一切

處以無形相而能生諸有命無命一切万物
名爲涅槃是故伊賒那論師眷屬作如是說
伊賒那是常名涅槃因 問曰何等外道分
別見種種異相名涅槃 答曰第六倮形外
道論師說

問曰何等外道說見一切法自相同相名涅
槃 答曰第七外道毗世師論師作如是說
謂地水火風虛空微塵物功德業勝等十種
法常故和合而生一切出間知無知物從二
微塵次第生一切法無彼者無和合者無和
合者即是離散離散者即是涅槃是故毗世
師論師說微塵是常能生一切物是涅槃因

問曰何等外道說身盡福德盡名為涅槃
答曰第八苦行論師說 問曰何等外道說
自性人命轉變名涅槃

答曰第九外道女人眷屬論師說摩醯首羅
作八女人一名阿提儻二名提儻三名蘇羅
婆四名毗那多五名迦毗羅六名摩菟七名
伊羅八名歌頭阿提儻生諸天提儻作阿脩
羅蘇羅婆生諸龍毗那多生諸鳥迦毗羅生
四足摩菟生人伊羅生一切穀子歌頭生一
切蚰蝸蚊蚋蠅蚤蚰蜒百足等如是知者名
為涅槃是故女人眷屬論師說女人是常名
涅槃因 問曰何等外道說罪福盡德亦盡

故名涅槃 答曰第十外道行苦行論師說

問曰何等外道說煩惱盡故依智名涅槃

答曰第十一外道淨眼論師作如是說

問曰何等外道說見自在天造作衆生名涅

槃 答曰第十二外道摩陀羅論師言那羅

延論師論我造一切物我於一切衆生中最

勝我生一切世間有命無命物我是一切山

中大須彌山王我是一切水中大海我是一

切藥中穀我是一切仙人中迦毗羅牟尼若

人至心以水草華果供養我我不失彼人彼

人不失我摩陀羅論師說那羅延論師言一

切物從我作生還沒彼處名爲涅槃是故名

常是涅槃因。問曰何等外道說衆生迭共
因生名涅槃。答曰第十三外道尼捷子論
師作如是說初生一男共一女彼二和合能
生一切有命無命等物後時離散還沒彼處
名爲涅槃是故尼捷子論師說男女和合生
一切物名涅槃因。問曰何等外道說證諦
道名涅槃因。答曰第十四外道僧佉論師
說二十五諦自性因生諸衆生是涅槃因自
性是常故從自性生大從大生意從意生智
從智生五分從五分生五知根從五知根生
五業根從五業根生五大是故論中說隨何
等何等性修行二十五諦如實知從自性生

還入自性能離一切生死得涅槃如是從自
性生一切衆生是故外道僧佉說自性是常
能生諸法是涅槃因 問曰何等外道說有
作所作而共和合名涅槃 答曰第十五外
道摩醯首羅論師作如是說果是那羅延所
作梵天是因摩醯首羅一體三分所謂梵天
那羅延摩醯首羅地是依處地主是摩醯首
羅天於三界中所有一切命非命物皆是摩
醯首羅天生摩醯首羅身者虛空是頭地是
身水是尿山是糞一切衆生是腹中亟風是
命火是煖罪福是業是八種是摩醯首羅身
自在天是生滅因一切從自在天生從自在

天滅名爲涅槃是故摩醯首羅論師說自在
天常生一切物是涅槃因 問曰何等外道
說一切物自然而生名涅槃 答曰第十六
外道無因論師作如是說無因無緣生一切
物無染因無淨因我論中說如棘刺針無人
作孔雀等種種盡色皆無人作自然而有不
從因生名爲涅槃是故無因論師說自然是
常生一切物是涅槃因問曰何等外道說物
皆是時作名涅槃 答曰第十七外道時論
師作如是說時熟一切大時作一切物時散
一切物是故我論中說如被百箭射時不到
不死時到則小草觸即死一切物時生一切

物時熟一切物時滅時不可過是故時論師
說時是常生一切物名涅槃因

問曰何等外道說見有物名涅槃 答曰第

十八外道服水論師作如是說水是万物根
本水能生天地生有命無命一切物下至阿
鼻地獄上至阿迦尼吒天皆水為主水能生

物水能壞物名爲涅槃是故外道服水論師
說水是常名涅槃因 問曰何等外道說見

無物名涅槃因 答曰第十九外道口力論

師說虛空是万物因最初生虛空從虛空生

風從風生火從火生燻燻生水水即凍凌堅

作地從地生種種藥草從種種藥草生五穀

從五穀生命是故我論中說命者是食後時
還沒虛空名涅槃是故外道口力論師說虛
空是常名涅槃因 問曰何等外道說見有無
物是涅槃因 答曰第二十外道本生安荼
論師說本無日月星辰虛空及地唯有大水
時大安荼生如雞子周節金色時熟破為二
段一段在上作天一段在下作地彼二中間
主梵天名一切衆生祖公作一切有命無命
物如是有命無命等物散沒彼處名涅槃是
外道安荼論師說大安荼出生梵天是常名
涅槃因

提婆菩薩破楞伽經中外道小乘涅槃論八

大乘法界無差別論

三論同卷

闡

昌演也

覆翳

上音副一蓋也

蝕

音食侵日

廁

初使

混雜

上胡本反

蔽

掩必祭反也

楞伽

上登

郎反

若提

上而反

抓

之巧反

單觸

同二

倮形

上赤

郎體

也果反

摩醯

下呼反

髀

蒲米反

胙

同二

提儻

下利

直反

摩菟

下奴反

蚘

下許毒

尾也

蚊

音

莫

上音庚

反文

蠅

下音蚤

蚰

上音由

下音

磬

音

穀

下音

正米

棘刺

上居力反

反

反

反

燻

字燻

凌

下音

陵

下七

賜反

反

反

燻

字燻

破外道小乘涅槃論

人

臨

